



Sanavalliajuk kamagijautsiatumik ammalu sangijumik

Kangatuinnak tuavittumik atugunnangigiamut utjituttaugajaguvit

Una tuavittumik atugunnangigiamut utjituk nukKatitsijuk atugunnangilatit Kukiutinnik ammalu asigiallanik piKutini kinatuinnamit ulugianattumegajappat immigut upvalu asinginnut. Kinatuinnak ottugasok tâpsuminga utjitotimik Kaujisapvigillugit nunalet itluatsaijinnik.

Sutaijajunik atuttaugajattut paitsiutigigiangit kamagitsiagasuallugit taikkununga ilauKataujunut ottugagumajunut taikkununga utjitotini. Kinaummangâmmik paigijaugutilet iluani ottugautet piusigijanginni ammalu kisiani Kaujititaulangavutit utjitotimmik tainna itluatsaijik tunitsipat.

Tuavittuk atugunnangigiamut utjitotik sanajauppat ilinnut:

- Ipvit Kukiutinnut laisansinga tigujaulangavuk akuniutigijumik 30 ullunik
- UtjituttaugajakKutit sakKuigiamut Kukiutinnik ammalu asigiallait piKutini polesikkunut upvalu pejaulangajut polesikkunut tainna utjituttausimajuk ininganenningani
 - Tamanna ilautitsivuk sunatuinnanik taijausimajunut iluani utjituttausimajumut, sollu Kukiutet, ânnetitsigajattut upvalu ilinganiKagiallajut piKutet, sollu sakkuit, ammalu pititset

- Pisigunnaniangilatut, atugunnalunnak, upvalu tigumiagiaKangilatit sunatuinnanik iluanettunut utjitotinni tainna utjitotik ininganneningani
- Tainna utjitotik pijagesinnapat, utittisipviugajakKutit Kukiutinnik, ânetitsisonik, ammalu asigiallanik piKutitik tapvinaugasuattumik

Malitsiaguvit malittaugiaKajunik tuavittumik utjitotimmik ammalu siKumitsingikuvit maligatsanik, sakKiviuniangilatit maligatsatigut allaKutiujunik.

UppiniKaguvit imminik ulugianattumeniangitutit upvalu kinagiallamut, ottugagajakKutit itluatsaivinnut nukKatitsigiamut utjitotimmik. Tainna Itluatsaijik nukKatitsipat utjitotimmik, utittisipviulangavutit Kukiutinnik, laisansinik, ammalu asigiallanik piKutitik tapvinauniattumut.

Atugunnangigiamut utjitotet akuneluaniattunut 30 ullunik

Sanaujaugesimanninga tuavittumik utjitotimmik, tainna itluatsaijik âkKisuigajattuk tusattaugiamut ullusanganik sakKititsigiamut akunenitsamik atugunnangigiamut utjitotimmik. Kaujimattitaulangavutit ammalu pivitsaKasongullutit ilauKataugiamut tusattauniattumut ilinganiattumut akunenitsamik utjitotsamik.

Tainna sakKijâgettuk tuavittumik utjitotik suli sulivuk sakKiKâtilugu tusattaugiamut. Kukiutet, laisanset, ammalu asigiallait piKutet utittitauniangitut kajusiliuttuKakKâtilugu.

Itluatsaijik âkKisuippat akunenitsamik atugunnangigiamut utjitotimmik, Kukiutet, laisanset, ammalu asigiallait piKutet utittitauniangitut, ammalu tigumiagunnagiaKangilatit Kukiutinnik ammalu asigiallanik piKutitik akuniutigijumik tallimanik jârinut.

Itluatsaijik kajusiutiliuppat âkKisuigiamut akunenitsamik atugunnangigiamut utjitotimmik, tainna sakKijâgettuk tuavittumik utjitotik nukKatitaulangajuk suli atuppat. Kukiutet, laisanset, ammalu asigiallait piKutet utittitaulangajut tapvainauniattumut.

NiKitsaKagiamut pinasuannik ammalu suliatsanut Kanuigijaungitut

OttugagajakKutit itluatsaivimmut pejaukKujigiamut atugunnangigiamut utjitotimmik atâgut Kanuigijaugajangitunut. Tamanna sakKikallagajattuk, ammalu takutitsigiaKagajakKutit itluatsaivimmut atugiaKajutit Kukiutimmik:

- Pinasuagiamut upvalu mikigianniagiamut niKitsaKagasuagiamut immigut upvalu ilagijannut
- suliatsaKasongugiamut tainnatuak suliatsak atuinnaupat ilinnut

Tainna itluatsaijik kajusiutiliulangajuk tainna utjitotik pejaugajakKomangât suli atugunnaniagavit Kukiutinnik taikkununga pitjutiKallutit. Tainna utjitotik pejauppat, malittaugialet âkKisuttaugajattut tigumiajannut upvalu atugunnagiamut Kukiutinik.

Namminigijaujut asianut inummut

Ilainnangani, Kukiutet upvalu asigiallait piKutet tigujaugut upvalu pejaujut namminigijaugajattut asianut maligatsatigut. Ottugagajattut utittisipviugiamut, ammalu akilegiaKagajattuk akinganik piKutitut utittitaugunnagajappat.

Kaujigatsatâgiallagiamut ilinganiKajunut KaujimajaugiaKajunut maligatsanik ammalu taikkuninga paigijaugutinnut, Kaujisapvigillugit ipvit nunalet itluatsaivinganik. Ilisapvigigiallalu pitjutigillugu “KaujimajaugiaKajunut” maligatsanik ammalu Kanuk ikajugajakKomangâmmik sakKititsitailigiamut Kukiutinnik pilukaigiamut:
<https://www.canada.ca/red-flag-laws> (<https://canada.ca/lois-drapeaux-rouges>).

Tânnâ Kaujigatsak sulujuk tunijaumajuk allatausimatluni (insert language being translated).

Tânnâ nenittausimajut atuinnaumijut Kagitaujatigut asigiallanik
uKausituKagijaujunut omani
<https://www.publicsafety.gc.ca/cnt/rsrscs/pblctns/rd-flg-epo/index-en.aspx>
(<https://www.securitepublique.gc.ca/cnt/rsrscs/pblctns/rd-flg-epo/index-fr.aspx>)

(insert month and year) Cat. No. PS4-334/2-2025Iku-PDF

ISBN 978-0-660-98342-4